

第〇六三冊

方輿彙編

職方典

職方總部

職方總部

京畿總部

順天府部

京畿總部

(卷)

一

二

三一七

八一〇

古今圖書集成

中華書局影印

古今圖書集成


卷一百一十五

目錄

古今圖書集成

卷一百一十五

職方典第一卷
職方總部圖



大戰破撒爾湖山軍死者相枕籍

天命六年取瀋陽遼陽

按明外史袁應泰傳應泰擢右僉都御史巡撫遼東踰月擢兵部右侍郎兼前職代熊廷弼爲經略是時蒙古諸部大飢多人塞乞食應泰乃下令招之於是歸者日衆議者言收降過多禍且叵測應泰方自謂得計天啓元年三月十二日我

日我

皇清兵來攻瀋陽降人果內應城遂破應泰乃撤奉集威寧諸軍并力守遼陽引水注濠沿濠列火器兵環四面守十有九日

皇清兵臨城應泰督戰軍敗明日掘城西閘以洩濠水兵遂渡濠又明日攻城急薄暮譙樓火兵從小西門入城中大亂民家啓扉張炬以待婦女亦盛飾盈門

按

盛京通志

興京周肅慎氏地秦同漢挹婁地東漢晉同隋高麗地唐初置燕州後爲渤海大氏所據改爲定理府遼屬瀋州金同明建州衛地

皇清爲

太祖高皇帝發祥之地尊爲

興京設章京治之

東京在太子河東離遼陽八里天命六年建城

天命七年取廣寧

按明外史熊廷弼傳廷弼爲經略王化正爲巡撫經撫不和天啓二年

皇清兵逼西平化正信中軍孫得功計盡發廣寧兵

赴援兵潰諸將戰歿參議邢慎言勸急救廣寧爲僉事韓初命所沮遂還

皇清兵頓沙嶺不進訛言兵已薄城城中大亂化正莫知所爲掖之出上馬二僕人徒步從遂棄廣寧踉蹌走與廷弼遇大凌河化正哭得功遂率廣寧將士迎

皇清兵入廣寧化正逃已兩日矣

天命十年遷都瀋陽

按

盛京通志天命十年相險宅中以瀋陽爲王氣所聚遂增修其城爲

盛京

太宗文皇帝天聰七年韃靼諸部來附

按明外史外國傳崇禎元年虎墩兔攻哈喇噴及白言台吉卜失免諸部皆破之遂乘勝入犯宣大塞總督王象乾言禦捕之道宜令其自相攻雖然與其構之不如撫而用之明年秋虎復擁衆至延緩紅水灘乞增賞未遂即縱掠塞外總兵吳自勉禦却之既而東附

皇清兵攻龍門未幾爲

皇清兵所擊六年夏插漢聞兵至盡驅部衆渡河遠遁是時韃靼諸部先後歸附於

皇清明年遂大會諸部於兀蘇河南岡頒軍律焉而虎已卒乃追至上都城盡俘插漢妻孥部衆

崇德二年攻皮島克之

按明外史金日觀傳日觀移萊州副總兵崇禎

十年二月

皇清兵攻朝鮮命登萊總兵陳洪範往救次皮島

皇清遣孔有德耿仲明尚可喜先攻鐵山四月九日分兵攻皮島副將白登庸先遁洪範亦避走石城日觀偕諸將楚繼功等相持七日力戰不支迄敗歿島城遂破

世祖章皇帝順治元年殄滅流寇定鼎京師山東山西

河南悉平其府州縣各仍舊

按明外史雜傳李自成陷京師謂真得天意牛金星率賊黨三表勸進自成從之升御座見白衣人長數丈手劍怒視座下龍爪鬚俱動自成恐亟下及聞山海關總兵吳三桂兵起乃謀歸陝西自成劫其父襄於軍東攻山海關三桂懼不敵乞降於

皇清四月二十六日

大兵衝賊中堅萬馬騰躍飛矢雨墮天大風沙石飛走擊賊如電自成登高岡觀戰知爲我

兵急策馬下岡走追奔四十里賊衆大潰自相踐踏死者無算僵屍徧野溝水盡赤自成奔永平

五月二日

皇清兵入京師下令安輯百姓爲帝后發喪議諡號

而遣三桂追自成

按山西河南爲流寇李自成所據自成既誅二省卽行返正山東本未全屬自成及

按畿輔通志明太宗靖難建都北京統順天永平保定河間真定順德廣平大名八府通昌平

涿霸薊灤祁安易景滄定冀晉趙深開延慶保

安十九州順天府領昌平霸通涿薊五州大興宛平良鄉固安東安香河永清三河武清涿寶坻順義密雲懷柔房山文安大城保定玉田遵化豐潤平谷二十二縣保定府領祁安易三州清苑滿城安肅定興慶都完容城蠡新城雄唐博野深澤束鹿高陽新安萊水十七縣河間府領景滄二州河間獻青阜城肅寧興濟任丘靜海交河寧津吳橋故城東光南皮慶雲鹽山十六縣真定府領定冀晉趙深五州真定井陘樂城獲鹿無極元氏平山靈壽阜平藁城新樂行唐曲陽南宮棗強新河武邑安平武強饒陽柏鄉臨城隆平贊皇高邑寧晉衡水二十七縣順德府領邢臺沙河南和平鄉廣宗鉅鹿唐山內丘任九縣廣平府領永年曲周肥鄉雞澤廣平邯鄲成安威清河九縣大名府領開州一州元城大名南樂魏清豐內黃濬滑東明長垣十縣永平府領灤州一州盧龍遷安撫寧昌黎樂亭五縣順天府爲京兆郡置大寧等郡指揮使司領各衛所

皇清定鼎皆因之

按山東通志明置山東等處承宣布政使司領濟南兗州東昌青州登州萊州六府爲州者十有五爲縣者八十九濟南府領泰安武定德濱四州歷城章丘鄒平淄川長山新城齊河齊東濟陽禹城臨邑長清肥城青城陵縣新泰萊蕪德平平原陽信海豐樂陵商河利津霑化蒲臺二十六縣兗州府領曹沂濟寧東平四州滋陽

曲阜寧陽鄒泗水滕嶧金鄉魚臺單城武曹定陶嘉祥鉅野鄆城汶上平陰東阿陽穀壽張鄒城費二十三縣東昌府領高唐臨清濮三州聊城堂邑博平茌平莘冠清平恩夏津武城范觀城朝城館陶丘十五縣青州府領莒一州益都臨淄博興高苑樂安壽光昌樂臨朐安丘諸城蒙陰沂水日照十三縣登州府領寧海一州蓬萊黃福山棲霞招遠萊陽文登七縣萊州府領平度膠二州掖濰昌邑高密即墨五縣

皇清定鼎皆因之

按山西通志明置山西等處承宣布政使司領太原平陽潞安汾州大同五府沁澤遼三州太原府領平定忻代岢嵐保德五州陽曲太原榆次大谷祁清源徐溝交城文水壽陽孟靜樂河曲樂平定襄五臺繁峙崞嵐興二十縣平陽府領蒲解絳霍吉陽六州臨汾襄陵洪洞浮山岳陽趙城太平曲沃翼城靈石蒲汾西臨晉榮河猗氏萬泉河津安邑夏聞喜平陸芮城稷山絳垣曲鄉寧大寧永和二十八縣潞安府領長治屯留襄垣潞城壺關平順黎城長子八縣汾州府領未寧一州汾陽孝義平遙介休石樓臨寧鄉七縣沁州領沁源武鄉二縣澤州領高平陽城沁水陵川四縣遼州領和順榆社二縣大同府領渾源應朔蔚四州大同懷仁山陰馬邑廣靈靈丘廣昌七縣凡五府三州七十八縣

皇清定鼎皆因之

按河南通志明設河南承宣布政使司領府八

州十二縣九十六開封府領陳許禹鄭四州祥符陳留杞通許太康尉氏洧川鄆陵扶溝中牟陽武原武封丘延津蘭陽儀封新鄭商水西華項城沈丘臨潁襄城郟城長葛密陽滎澤河陰汜水三十縣歸德府領睢州一州商丘寧陵鹿邑夏邑永城虞城柘城考城八縣彰德府領磁州一州安陽湯陰臨漳林武安涉六縣衛輝府領汲胙城新鄉獲嘉淇輝六縣河南府領陝州一州洛陽偃師鞏孟津宜陽登封永寧新安澠池嵩盧氏靈寶閿鄉十三縣懷慶府領河內濟源修武武陟孟溫六縣南陽府領鄧裕二州南陽鎮平唐泌陽桐柏內鄉新野淅川舞陽葉十縣汝寧府領信陽光二州汝陽真陽上蔡新蔡西平遂平確山羅山光山固始息商城十二縣汝州領魯山郟寶豐伊陽四縣

皇清定鼎皆因之內裁南召一縣復裁併諸衛所

順治二年流寇李自成伏誅陝西平江南浙江以大平定

按明外史雜傳順治二年二月

皇清兵攻潼關關破李自成遂棄西安由龍駒寨走武岡入襄陽復走武昌

大兵兩道追躡連蹙之部衆多降或逃散自成走延寧蒲圻至通城竄於九宮山秋九月自成率二十騎略食山中爲村民所困不能脫自縊死或曰村民方築堡見賊少爭前擊之人馬俱陷泥淖中自成腦中鉏死

按張伯鯨傳伯鯨江都人以兵部左侍郎乞休

家居不出順治二年

大兵漸迫而馬士英盡撤江北兵禦左良玉伯鯨歎曰天下事不可為矣揚州被圍與當事分城固守城破自經死

按史可法傳可法督淮揚順治二年

大兵屯斑竹園可法作書寄母妻以無子命副將史德威為之後及薄城下城西北隅毀城遂破可法自刎不死被執

按楊文驄傳文驄分巡常鎮二府監大將鄭鴻達鄭彩軍及

皇清兵臨江文驄駐金山扼大江而守隔江相持

大兵乘霧潛濟迫岸諸軍始知倉皇列陣甘露寺

大兵以鐵騎衝之悉潰文驄走蘇州及

大兵破南京百官盡降

按徐汧傳汧長洲人福王立於南京召為少詹既就職柳昌祚疏攻汧汧移疾歸及南京失守蘇州亦繼下慨然太息作書戒二子肅衣冠北向稽首投虎丘新塘橋下死

按祁彪佳傳彪佳山陰人擢右僉都御史巡撫江南後移疾去順治二年五月南都失守六月杭州復失守彪佳即絕食至閏六月四日給家人先寢遂端坐池中而死

按陝西通志明設陝西承宣布政使司領西安鳳翔平涼慶陽延安鞏昌臨洮漢中八府興安一州置都指揮使司行都指揮使司領各衛所而行都司則分治甘州

皇清定鼎皆因之後裁衛十六所六十九西安府領

商同華耀乾那六州長安咸寧咸陽興平臨潼高陵鄠藍田涇陽三原盩厔渭南富平醴泉鎮安雒南山陽商南朝邑郃陽澄城白水韓城華陰蒲城同官武功永壽三水淳化長武三十一

縣延安府領鄜綏德葭三州膚施安塞甘泉保

安安定宜川清澗延長延川雒川中部宜君米

脂吳堡神木府谷十六縣鳳翔府領隴州一州

鳳翔岐山寶雞扶風郿麟遊汧陽七縣漢中府

領寧羌一州南鄭褒城城固洋西鄉鳳沔略陽

八縣平涼府領固原涇靜寧三州平涼崇信華

亭鎮原靈臺莊浪隆德七縣鞏昌府領階秦徽

三州隴西安定會寧通渭漳寧遠伏羌西和成

秦安清水禮文兩當十四縣臨洮府領蘭河二

州狄道渭源金三縣慶陽府領寧州一州安化

合水環真寧四縣興安州領平利洵陽白河紫

陽石泉漢陰六縣

皇清定鼎皆因之惟西安增領潼關衛明置榆林衛

置指揮使司隸陝西都司寧夏則前後左右中

屯凡五衛

皇清因之裁寧夏前中屯二衛興武鳳翔二所明置

寧夏後衛中衛靈州千戶所寧夏平魯千戶所

及靖遠衛

皇清皆因之明置洮州衛領千戶所五

皇清因之裁洮州前後左三所明置岷州衛領千戶

所四軍民千戶所一

皇清因之裁所二明置西固城千戶所

皇清因之明置陝西行都司領衛十二守禦千戶所

三甘州前後左右中五衛永昌莊浪涼州西寧山丹肅州鎮邊共十二衛鎮彝守禦千戶所一占浪高臺千戶所二

皇清定鼎皆因之

按江南通志明以金陵為京改知府為應天府尹領安慶蘇州松江常州鎮江徽州寧國池州太平廬州鳳陽淮安揚州十三府滁和廣德徐四州京外衛共八十二

皇清順治二年平定江南改京置江南承宣布政使

司以應天為江寧府江寧府領上元江寧句容

溧陽溧水江浦六合高淳八縣安慶府領懷寧

桐城潛山太湖宿松望江六縣蘇州府領太倉

一州吳長洲吳江常熟崑山嘉定崇明七縣松

江府領華亭上海青浦三縣常州府領武進無

錫江陰宜興靖江五縣鎮江府領丹徒丹陽金

壇三縣淮安府領海邵二州山陽鹽城清河桃

源安東沐陽贛榆宿遷睢寧九縣揚州府領高

郵泰通三州江都儀真泰興興化寶應如皋六

縣徽州府領歙休寧婺源祁門黟績溪六縣寧

國府領宣城南陵涇寧國旌德太平六縣池州

府領貴池青陽銅陵石埭建德東流六縣太平

府領當塗蕪湖繁昌三縣廬州府領無為六安

二州合肥舒城廬江巢英山霍山六縣鳳陽府

領壽泗宿穎毫五州鳳陽臨淮懷遠定遠五河

虹霍丘蒙城盱眙天長靈璧穎上太和十三縣

徐州領蕭碭山豐沛四縣滁州領全椒來安二

縣和州領含山一縣廣德州領建平一縣凡十

四府十七州九十五縣州縣多仍舊衛所則多裁併

按浙江通志明設浙江承宣布政使司領十一府一州七十六縣杭州府領仁和錢塘海寧富陽餘杭臨安新城於潛昌化九縣嘉興府領嘉興秀水嘉善海鹽平湖崇德桐鄉七縣湖州府領安吉一州烏程歸安長興德清武康孝豐六縣寧波府領鄞慈谿奉化定海象山五縣紹興府領山陰會稽蕭山諸暨餘姚上虞嵊新昌八縣台州府領臨海黃巖太平寧海天台僊居六縣金華府領金華蘭谿東陽義烏永康武義浦江湯溪八縣衢州府領西安龍游江山常山開化五縣嚴州府領建德淳安遂安桐廬壽昌分水六縣溫州府領永嘉樂清瑞安平陽泰順五縣處州府領麗水青田縉雲松陽遂昌龍泉慶元雲和宣平景寧十縣

皇清定鼎皆因之

順治三年江西福建廣東以次平定是年流寇張獻忠伏誅四川亦平

按明外史郭維經傳維經署大理寺回籍唐王召爲吏部右侍郎順治三年五月兵圍贛州王乃命維經爲吏兵二部尚書兼右副都御史總理湖廣江西廣東浙江福建軍務督師往援維經與御史姚奇引募兵八千人入贛州與楊廷麟萬元吉協守及城破維經入嵯峨寺自焚死按楊廷麟傳彭期生遷湖西兵備僉事駐吉安順治二年兵入南昌逼吉安期生拒守不支城

遂破

按萬元吉傳南京覆元吉走福建歸唐王六月皇清兵已取南昌袁州臨江吉安踰月又取建昌

按詹兆恆傳兆恆廣信永豐人唐王立於福州兆恆表賀拜兵部左侍郎佐黃道周協守廣信順治三年廣信破走懷玉山

按路振飛傳順治二年聿鍵自立於福州募能致振飛者官五品振飛乃赴召三年

大兵進仙霞嶺聿鍵走汀州振飛追赴不能及及汀州破振飛走居海島

按會樓傳唐王稱號於福州鄭芝龍專柄薦樓王駐延平令樓留守福州

大兵破福州樓挈家避海外

按陳子壯傳順治三年

大兵下汀州桂王子末明王由榔爲丁魁楚等擁立于肇慶蘇觀生又議立唐王聿錡子壯沮不得退居邑之九江村末明王授子壯東閣大學士兼兵部尚書總督廣東福建江西湖廣軍務會

皇清兵入廣州聿錡被執死子壯止不行

按雜傳張獻忠在川中慘虐不仁誅殺甚毒川中民盡乃謀窺西安順治二年李自成死三年獻忠盡焚成都宮殿廬舍鎗其城率衆出川北又欲盡殺川兵僞將劉進忠故統川兵聞之率一軍逃會我

皇清兵至漢中進忠遂乞降爲鄉導至鹽亭界是日大霧獻忠曉行至鳳凰陂

大兵射之墜馬死川中平

按江西通志明江西設承宣布政使司領府十三州一縣七十七衛四所八南昌府領寧州一州南昌新建豐城進賢奉新靖安武寧七縣饒州府領鄱陽餘干樂平浮梁德興安仁萬年七縣廣信府領上饒玉山弋陽貴溪鉛山末豐興安七縣南康府領星子都昌建昌安義四縣九江府領德化德安瑞昌湖口彭澤五縣建昌府領南城新城南豐廣昌廬溪五縣撫州府領臨川崇仁金谿宜黃樂安東鄉六縣臨江府領清江新淦峽江新喻四縣吉安府領廬陵泰和吉水永豐安福龍泉萬安永新永寧九縣瑞州府領高安新昌上高三縣袁州府領宜春分宜萍鄉萬載四縣贛州府領贛縣都信豐興國會昌安遠長寧寧都瑞金龍南石城定南十二縣南安府領大庾南康上猶崇義四縣

皇清定鼎皆因之

按福建通志福建明置承宣布政使司府八福州泉州建寧延平汀州興化邵武漳州州一福寧俱隸布政使司福州府領閩侯官古田閩清長樂連江羅源永福福清九縣泉州府領晉江南安惠安德化安溪同安永春七縣建寧府領建安甌寧建陽崇安浦城政和松溪壽寧八縣延平府領南平將樂大田沙尤溪順昌永安七縣汀州府領長汀寧化上杭武平清流連城歸化永定八縣興化府領莆田仙遊二縣邵武府領邵武光澤泰寧建寧四縣漳州府領龍溪漳

浦龍巖南靖長泰漳平平和詔安海澄寧洋十縣福寧州領福安寧德二縣

皇清定鼎皆因之

按廣東通志明設廣東承宣布政使司領府十州九縣七十七廣州府領連州一州南海番禺順德東莞從化龍門新寧增城香山新會三水清遠新安陽山連山十五縣韶州府領曲江樂昌仁化乳源翁源英德六縣南雄府領保昌始興二縣惠州府領連平一州歸善博羅海豐河源龍川長樂興寧和平長寧永安十縣潮州府領海陽潮陽揭陽饒平大埔惠來平遠澄海普寧鎮平程鄉十一縣肇慶府領德慶一州高要四會新興陽江陽春高明恩平廣寧封川開建開平十一縣高州府領化州一州茂名電白信宜吳川石城五縣雷州府領海康遂溪徐聞三縣廉州府領欽州一州合浦靈山二縣瓊州府領儋萬崖三州瓊山澄邁臨高安定文昌會同樂會昌化陵水感恩十縣羅定州領東安西寧二縣

皇清定鼎皆因之

按廣州府今增花縣

按四川通志明置四川等處承宣布政使司領府九州六軍民府四

皇清定蜀以烏撒軍民府隸貴州餘因之成都府領簡崇慶漢綿茂威六州成都華陽雙流溫江新繁新都金堂仁壽并研郫資資陽內江灌彭崇寧安新津什邡綿竹德陽彰明羅江汶川保二十五縣重慶府領合忠涪三州巴江津長壽大

足末川榮昌綦江南川黔江安居璧山銅梁定遠鄭都墊江武隆彭水十七縣順慶府領蓬廣安二州南充西充營山儀隴渠大竹岳池鄰水八縣保寧府領巴劍二州閬中蒼溪南部廣元昭化通江梓潼南江八縣敘州府領宜賓慶符富順南溪長寧高筠連珙隆昌興文十縣馬湖府領屏山一縣泥溪平彝蠻彝沐川四長官司夔州府領達州一州奉節巫山大昌大寧雲陽萬開新寧梁山建始東鄉太平十二縣龍安府領平武江油石泉三縣遵義軍民府領真安一州遵義桐梓綏陽仁懷四縣潼川州領射洪鹽亭中江遂寧蓬溪安岳樂至七縣嘉定州領峨眉夾江犍為榮威遠洪雅六縣瀘州領納谿合江江安三縣雅州領名山榮經蘆山三縣眉州領丹稜彭山青神三縣邛州領蒲江大邑二縣又烏蒙烏撒東川鎮雄軍民府四永寧西陽石柱宣撫司三邑梅洞平茶洞長官司二又設松潘軍民指揮使司領小河守禦千戶所一八郎麻兒匪阿角寨芒兒者安撫司四占藏先結族白馬路族山洞族阿昔洞族白定族麥匪族者多族牟力結族班班族祈命族勒都族包藏族阿昔族思囊兒族阿用族潘幹寨長官司十六

皇清皆因之惟以青川守禦千戶所併入龍安之平武縣以潼川州之安岳縣附之遂寧裁重慶衛以石柱宣撫司邑梅洞長官司皆隸重慶府四川行都司領建昌衛前衛會川鹽井寧番越嶲凡衛六所十一改軍爲民凡衛所俱設武職流

官軍戶皆爲民戶行都司改設總鎮府建昌等衛各改設守備禮州等千戶所各改設千總俱屬建昌監理廳管轄又明設疊溪守禦千戶所領長官司二各五寨至我

皇清設疊溪遊擊一守備一其守禦禮州打冲中前所德昌打冲中左所見山橋迷易所昌州威龍普濟馬喇耶部長官司俱裁

順治四年湖廣平

按明外史何騰蛟傳騰蛟總督湖廣等處軍務順治四年春

皇清兵至長沙騰蛟不能守單騎走衡州長沙湘陰並失盧鼎時守衡州而張先璧兵突至大掠鼎

不能抗走末州先璧遂挾騰蛟走祁陽又問道走辰州騰蛟脫還走末州甫至鼎部將復大掠鼎走道州騰蛟走白牙市

大兵遂下衡永初騰蛟建十三鎮以衛長沙至是皆自爲盜賊兵入衡州守將黃朝宣降數其罪支解之遠近大快八月

大兵破武岡劉承引降按堵引錫傳引錫授湖北巡撫順治四年八月大兵破武岡及寶慶常德辰沅引錫走永順土司尋赴貴陽

按湖廣通志明設湖廣承宣布政使司領府十有五州十六縣一百有九衛三十二所四十三宣慰二宣撫四安撫九長官司二十八武昌府領興國一州江夏武昌嘉魚蒲圻咸寧崇陽通城大冶通山九縣漢陽府領漢陽漢川二縣黃

州府領蘄州一州黃岡蘄水羅田麻城黃陂黃安廣濟黃梅八縣安陸府領沔陽荊門二州鍾祥京山潛江景陵當陽五縣德安府領隨州一州安陸雲夢應城孝感應山五縣荊州府領彝陵歸州二州江陵公安石首監利松滋枝江宜都長陽遠安巴東興山十一縣襄陽府領均州一州襄陽宜城南漳棗陽穀城光化六縣鄖陽府領鄖房竹山竹溪鄖西保康六縣長沙府領茶陵州一州長沙善化湘潭湘陰湘鄉醴陵攸益陽瀏陽寧鄉安化十一縣衡州府領桂陽州一州衡陽衡山耒陽常寧安仁鄱臨武藍山嘉禾九縣永州府領道州一州零陵祁陽東安寧遠永明江華新田七縣寶慶府領武岡州一州邵陽新化城步新寧四縣岳州府領澧州一州巴陵臨湘平江華容安鄉石門慈利七縣常德府領武陵桃源龍陽沅江四縣辰州府領沅州一州沅陵瀘溪辰溪溆浦黔陽麻陽六縣郴州領永興宜章興寧桂陽桂東五縣靖州領會同通道綏寧天柱四縣

皇清定鼎皆因之

順治七年廣西平

按明外史瞿式耜傳順治三年九月

大兵破汀州式耜迎末明王梧州監國肇慶四年

正月破肇慶逼梧州王由平樂抵桂林二月我

兵襲平樂趨桂林王走全州式耜畱守桂林及平

樂潯江相繼破三月薄桂林十一月自湖南逼

全州五年三月王駐南寧七年正月南雄破王

走梧州九月全州破開國公趙印選寧遠伯王永祚等懼不出兵

皇清兵遂入嚴關十月益深入十一月末祚迎降式

耜肅衣冠南向拜訖死

按廣西通志明設廣西承宣布政使司領府十

二州三十八縣四十八桂林府領永寧全州二

州臨桂興安靈川陽朔永福義寧灌陽七縣平

樂府領永安一州平樂恭城富川賀荔浦修仁

昭平七縣梧州府領鬱林一州蒼梧藤容岑溪

懷集博白北流陸川興業九縣潯州府領桂平

平南貴三縣南寧府領新寧橫上思下雷四州

宣化隆安永淳三縣太平府領養利永康左三

州太平安平茗盈結安全茗估倫龍英都結萬

承恩城鎮遠上下東思明十三土州崇善一縣

陀陵羅陽二土縣柳州府領象賓二州馬平雒

容柳城羅城融懷遠武宣來賓遷江上林十縣

慶遠府領河池一州東蘭那地南丹三土州宜

山天河思恩荔波四縣忻城一土縣思恩府領

西隆一州武緣西林二縣外領興隆土州一又

有鎮安府泗城土府奉議土田都康向武上峽

上林六土州及小鎮安皆隸思恩軍民府

皇清定鼎皆因之惟歸順土州明末改直隸州

皇清改思恩軍民府

順治八年舟山平設員防禦

按明外史張肯堂傳肯堂以右僉都御史巡撫

福建南京破總兵鄭鴻逵擁唐王聿鍵入閩順

治三年王敗死肯堂飄泊海外六年至舟山魯

王用爲東閣大學士八年

大兵乘天霧集螺頭門定西侯張名振奉王航海

去屬肯堂守城城中兵三千居民萬餘堅守十

餘日城破肯堂衣蟒玉南向坐令四妾一子婦

一女孫先死乃從容賦詩自經

按寧波府志順治八年

大兵克舟山設舟山協鎮副總兵一員轄中左右

三營

順治十三年江南松江府增置婁縣

按江南通志松江府明屬南直隸領縣三

皇清因之順治十三年析華亭地置婁縣

順治十五年貴州平復遣將三路取雲南

按貴州通志順治十五年春二月遣寧南靖寇

大將軍固山額真羅託經略武英殿大學士兵

部尚書洪承疇率師取貴州四月入貴陽貴州

明設布政使司領思南思州銅仁石阡鎮遠黎

平烏羅新化八府宣德中省烏羅新化二府入

黎平銅仁成化十年設程番府于程番長官司

弘治六年設都勻府隆慶二年改程番府爲貴

陽府移治省城萬曆二十年陞安順州爲安順

軍民府二十八年減播以播地設平越府改湖

廣平清偏鎮四衛隸貴州而以黎平府隸湖廣

三十一年復以四衛隸湖廣黎平府仍隸貴州

崇禎三年以水西地設開州一州敷勇鎮西二

衛于裏修文赫聲濯靈定南威武息烽柔遠八

所

皇清因之

按雲南通志順治十五年戊戌命安遠靖寇大將軍信郡王鐸尼由貴州征南將軍固山趙布太由廣西平西王吳三桂定西侯墨勒根下都統李國翰由四川三路取滇李定國白文選等連營于安籠所七星關鷄公背扼險據守

大兵自水西潛度七星關繞其後定國等潰敗同永曆走迤西其工部尚書王應龍父子從永曆不及自縊于永昌十二月

大兵三路會于曲靖迤東各郡皆歸附

順治十六年雲南平

按雲南通志順治十六年己亥正月朔

大兵抵雲南二月兵進迤西追殺王國勳于普淞

又敗白文選于玉龍關獲其象馬傘印永曆至騰越州李定國復集兵于磨盤石樹柵扼險趙

布太吳三桂力戰破之李定國走孟良永曆入緬甸白文選走猛緬遂克騰越州雲南明設布

政使司領雲南曲靖臨安澂江武定廣西元江廣南開化大理永昌楚雄姚安鶴慶順寧蒙化

永寧景東麗江鎮沅孟定二十一府雲南府領

晉寧安寧昆陽嵩明四州昆明富民宜良羅次

呈貢祿豐易門七縣曲靖府領霑益陸涼馬龍

羅平尋甸五州南寧一縣臨安府領建水石屏

阿迷寧四州通海河西嶧峨蒙自新平五縣納

樓茶甸虧容甸昆陀甸左能寨落恐甸五長官

司澂江府領新興路南二州河陽江川二縣武

定府領和曲祿勸二州元謀一縣廣西府領師

宗彌勒二州元江軍民府無屬州縣廣南府領

富州一州開化府無屬州縣大理府領趙鄧川賓川雲龍北勝五州太和雲南浪穹三縣永昌府領騰越一州保山永平二縣路江安撫司一楚雄府領南安鎮南二州楚雄廣通定遠定邊四縣黑鹽井琅井提舉司二姚安府領姚州一州大姚一縣白鹽井提舉司一鶴慶府領劍川一州順寧府領雲州一州蒙化府無屬州縣永寧府無屬州縣景東府無屬州縣麗江府無屬州縣鎮沅府領祿谷寨長官司一孟定府領安撫司一

皇清定鼎皆因之

順治十八年貴州增設普安縣以雲南奉化恭

順二州為元江府

按貴州通志順治十八年設普安縣隸安順府

按雲南通志元江軍民府明領因遠羅必甸長

官司後改因遠羅必甸為奉化州改他郎寨為

恭順州我

皇清平滇那嵩負固討平之順治十八年改土設流

後為元江府領車里宣慰司

聖祖仁皇帝康熙元年改浙江嘉興府崇德縣為石門

縣

按浙江通志明嘉興府領縣七嘉興秀水海鹽

嘉善平湖崇德桐鄉至

皇清皆因之康熙元年避

太宗崇德年號改名石門

康熙四年增設貴州四府

按貴州通志康熙二年二月水西宣慰安坤叛

遣吳三桂發兵討之三月敗水西賊于六廣河四年正月水西平安坤等俱伏誅十一月吳三桂請設新疆四府以水西為黔西府比喇為平遠府大方為大定府烏撒為威寧府

康熙五年廣西設西隆州

按廣西通志永樂間置安隆長官司岑姓沿襲後以嗣絕相爭康熙五年撫平之改置西隆州

設漢官隸思恩軍民府

康熙十一年裁江南之海門縣併入通州

按江南通志揚州府明領州縣十

皇清因之隸江南江蘇布政使司康熙十一年以海

門瀕海坍沒改為鄉領州三縣六以海門一十

四里歸併通州

康熙二十二年平臺灣置郡縣

按福建通志臺灣府本古荒裔之地未隸中國

版圖明末樂間中官鄭和舟下西洋三泊此地

以土番不可教化投藥於水中而去嘉靖四十

二年流寇林道乾穴其中專殺土番擾害濱海

都督俞大猷征之道乾遁走天啓元年漢人顏

思齊為東洋日本甲螺頭引倭彝屯聚於

此鄭芝龍附之未幾荷蘭紅彝由西洋來欲借

倭彝片地暫為棲止後遂久假不歸尋與倭約

每年貢鹿皮三萬張倭乃以地歸荷蘭崇禎八

年荷蘭始築臺灣赤嵌二城臺灣城即今安平

鎮城也赤嵌城即今紅毛樓名城而實非城也

荷蘭又設市於臺灣城外漳泉之商賈皆至焉

皇清順治六年甲螺郭懷一謀逐紅彝謀泄紅彝戮

之於赤嵌城十七年鄭芝龍子成功孤軍廈門退無所據乃與甲螺何斌謀進取臺地往特鹿耳門石關屈曲盤阻沙浮水淺不易渡成功舟抵鹿耳水忽漲十餘丈巨艦畢入此非天之相逆蓋將藉手以式廓我

皇清無外之疆域也荷蘭與成功戰不利遂棄城遁成功入城居之因改臺灣爲安平鎮赤嵌爲承天府總名東都設一府二縣府曰承天縣曰天興萬年未幾成功死子經嗣立改東都爲東寧二縣爲二州設安撫司三南北路澎湖各一康熙二十年經死子克塽嗣二十二年福建總督姚啓聖用間謀陰散其黨以傳爲霖爲內應垂成而事泄爲霖遇害

聖祖仁皇帝赫然震怒指授方略特簡靖海將軍施琅統帥舟師六月出征由銅山直抵八罩澳取虎井桶盤嶼克之由是百靈効順海不揚波軍士苦海水鹹海岸忽湧甘泉軍無渴患一戰而澎湖平克塽知

天威不可犯遂納款歸誠爰是設府一曰臺灣屬福建布政司領縣三附郭曰臺灣外二縣曰鳳山諸羅

康熙三十二年改設宣府六廳十衛爲一府八縣

按居易錄康熙三十二年直隸巡撫副都御史郭世隆疏言宣府向設鎮道復設十衛六廳并各營弁分理錢糧驛務然廳員限于佐貳營衛皆屬武弁與以臨民不特所用非其所長亦且

政多扞格各衛既無漕運屯田之責以武弁而膺民社之寄徵糧之責與官制終有未協宜裁六廳十衛改設一府八縣庶文武均有職守軍民知所適從下九卿會議如其所請奉

旨允行以宣府爲宣化府倚郭爲宣化縣西城衛爲西寧縣萬全衛爲萬全縣懷安衛爲懷安縣蔚州衛爲蔚縣懷來衛爲懷來縣赤城堡爲赤城縣龍門衛爲龍門縣其保安延慶二州悉如舊

職方總部總論

地圖綜要

天下輿圖總考

地脉向中國來者三大支北絡發崑崙崙東折而東南行其背爲北狄其正結爲冀都其支結爲燕其餘氣爲東裔中絡發崑崙崙東南至岷山繇蜀隴轉北而東爲終南山安之地繇關中出至太華伊闕是爲洛陽南絡發崑崙崙遠東南而行至大岷山其背爲西戎直東折而東爲五嶺其餘氣爲南蠻復折而東北大定於建康其支絡爲吳閩越

天下之山三大幹北幹起崑崙崙山闔顏至白登西一支爲壺口太嶽南析城歷恆山鍾燕山轉天壽盡於碣石海墘南幹自岷山遶西南東趨踰桂嶺歷九疑過大庾出南雄回信走徽東行天目一支爲錢塘一支爲建康至江陰止一支自靈山逆走鄱湖而止中幹自西傾行隴右到函谷出弘農爲長安一支出熊耳歷嵩嶽爲汴梁至兗州左江右河夾流至青齊抵曲阜鍾泰嶽至青萊滄棣而盡

天下之水三大源一自星宿海起處爲黃河一自岷山起處爲大江一自關外起處爲鴨綠江三者河源爲第一故祭川先河而後海重其源也

天下要害

徐邳臨清淮安之應也洛陽均鄭鳳陽之應也荊州武昌之應也而襄陽又荊州之應也固荊州可以開蜀道固襄陽可以控川陝固臨清可以通燕冀固洛陽可以制潼關其西南守江西以運百粵其東南守浙以治吳閩皆今日扼要也

統論南北強弱

秦晉齊楚相持五百年而秦滅楚漢室之亾天下三分相持六十年而晉平吳晉室之亂琅琊南渡繼爲南北朝相持三百年而隋併陳周秦漢唐肇皇業皆本陝西光武中興亦賴河北遂令古今議者有形勢優劣之辨讀賈生之過秦則夸言陝西誦杜牧之罪言則侈譽山東而赫赫南夏未有稱焉寡見鮮聞之士大抵雷同深以爲不然夫良將不擇兵而戰循吏不擇民而治是以荆楚削弱王翦渡江高齊荒蕩周師入鄴是善用關西者能以併南國也赫連屈強魏武克朔方孫皓淫虐王濬入金陵是善用河北者皆能以併西南也章邯輕敵項王渡江姚泓玩寇宋武入關是善用江南者皆能以併西北也魏太祖宋高祖周武帝皆一代英雄故魏起河北周本關西宋興江南皆能奮自孤微赫然成伯業此則三方之地利皆可以興也商受暴虐黃河無固胡亥愚蒙秦關洞開叔寶荒淫長江失險此則三方之地利皆不足恃也項王殘鷲石季驍雄皆轉戰無前而斯民重困故

項與東南石奮西北其亡一也蕭衍苻堅皆一時令主乘時奮功然有雄志而無雄材一則強伯於南夏一則制勝於北朝其敗一也故知南北東西皆無地利唯異同得失則各有見或謂西北之風渾東南之俗偷西北之人直東南之民詐西北之士沃東南之地瘠西北之士勁東南之兵囂此形勢之所以異也西北之風渾其失也悍東南之俗偷其得也和渾厚可與奮功悍突難與圖治和易則易與樂成偷惰則難與慮始故由古以來南北紛爭西北以強勝而多

失之亂東南以治隆而多失之弱此則風俗之各有得失也西北之人直其失也狠而復雜以羌狄之人然而羌狄之人驕奢者也東南之人詐其得也易而又邊以蠻獠之人然而蠻獠之人庸愚者也直則不可屈犯驕則不可以禮加狠暴之人尤不可以德化者也是知西北之人難治也雖愚可以誠推雖詐可以利夸和易之人易以德化故知東南之人易治也故繇古以來西北之政多以嚴致平江南之政多以寬爲治此則人民之各有得失也西北之地沃便種植而宜蠶桑東南之地磽多田疇而利耕布故由古以來西北之人裕於賄而患於飢東南之人苦於貧而利於食善治西北則足以富國善治東南則足以餘糧若九有同軌南北一家則儲糧嘗仰於東南貨賄嘗資於西北則食賄之各有得失也西北之兵沉勁其失也抵肆東南之兵囂亂其得也剽銳故西北之兵便於持久東南之兵利於速戰嘗考曹公用兵嘗以堅守挫強敵及征孫權驟來亟戰遂大敗於赤壁此則西北之兵便於持久而不利於速戰項王持

孤軍轉戰無前及遇漢祖堅守相持卒敗於垓下此東南之兵利於速戰而不利於持久也深淵高田戰不獲騁而諸葛恪之師敗矣江淮之士出入如飛而李密之衆隳矣是以周亞夫堅壁以挫吳楚謝幼度亟戰而敗苻堅則以各能用其便利故耳故張良賈充鄭表之徒皆有南兵剽銳之言而北制勝以成不戰之功者蓋畏其鋒而莫敢爭也自古南北形勝初無輕重視其天時人事何如耳

扼險

左崤函右隴蜀關中之險也西濁河北渤海三齊之險也鄭之險在虎牢蜀之險在劔閣晉陽保障趙之險也表裏山河晉之險也吳之險襟三江而帶五湖楚之險城方城而池漢水桀以虐而傾夏非伊闕羊腸之咎也紂以殘而喪殷非孟門太行之故也土沃財富山東水環斗絕一隅乘流千里可以并吳會而制宛雒窺關隴而向秦川此上游之所以推梁益也龍蟠虎踞天塹稱雄以牛渚爲湯池鍾阜爲扼塞控門戶於淮甸承委輸於漢沔遠則接應梁宋近可括囊三吳此王氣之所以萃金陵也南極湘潭北走新野抗楚蜀之捍蔽爲川陝之襟喉進可掃秦趙退可障襄樊此鄢郢之所以必爭也方其合農戰以交修則崤函險固難窺鄢杜沃衍足恃開關延敵制諸夏而有餘守隘無虞封泥丸而具足長安四塞甲寰中也若乃脩文偃武紓民力以便均輸氣稟淳和教化易入雒陽天地之中誠奧區也至於當水陸之衝決勝負於滎陽定存亡於官渡則汴梁五達之衢固都會也

輿地總論

天下輿地古今一也其在古也諸侯之封土不一其在今也畿省之郡縣不齊疆以世殊名以時易或求之險要不知古昔爲何方或考古之史書不識今何名何地也體國經野惟於禹貢九州而識其疆域之所別焉雖三代以前侯國有分合秦漢以來郡邑有變遷亦庶乎其不淆矣不然晉一也分而爲韓爲趙爲魏魏又謂之梁楚一也越并吳而楚并越均之爲吳楚爲吳越河東一名也兖州并州異焉河西一名也雍州涼州異焉河南一名也中土邊境異焉山東一名也河南河北異焉江南一地也江左江右異焉周之河內與漢之河內同乎否乎漢之河東與唐之河東同乎否乎至於山有東吳西吳水有東漢西漢其何以別之也耶不知荆衡萬古不易之山河濟萬古不易之水故禹貢分水一以山川定其疆界兖州可移而濟河之兗如故也梁州可遷而華陽黑水之梁如故也所以唐一行以天下山河之象在乎兩界北界自三危積石負終南地絡之陰東及太華逾河並雷首砥柱王屋大行北抵恒山之右乃東循塞垣至穢貊朝鮮是謂北紀以限外寇南界自岷山嶓冢負地絡之陽東及太華連商山熊耳外方桐柏自上絡南逾江漢攜武當荆山於衡陽乃東循嶺微遠東甌閩中是謂南紀以限蠻獠故星傳謂北界爲裔門南界爲越門此以天象分南北言也或又卽中華山川大勢分爲三條者如長江與南海夾南條大幹盡於東南海黃河與大江夾中條大幹盡於東海黃河與鴨綠江夾北條大幹盡於遼東吳草廬所謂崑崙

爲西極之祖分派三幹以入中國此又以地脉言也惟禹貢九州其所載者山川也冀州王都不言所至而壺口碣石衛澤在其地焉自是以濟河惟兗州海岱惟青州海岱及淮惟徐州淮海惟揚州荆及衡陽惟荊州荊河惟豫州華陽黑水惟梁州黑水西河惟雍州今各州之山川果異於古歟所載惟土田也如冀之厥土白壤厥田中中兗土黑墳田中下青土白墳海濱廣斥田上下徐土赤埴墳田上中揚土塗泥田下下荆土塗泥田下中豫土惟壤下土墳壚田中上梁土青黎田下上雍土黃壤田上上今各州之土田果異於古歟所載惟物產也自冀之厥賦上上所賦總銓秸粟米以至兗則草絲木條厥貢漆絲青貢鹽絺海物絲枲鉛松怪石徐草木漸包貢土五色羽及孤桐浮磬揚草天木喬貢惟金三品瑤琨篠簜齒革羽毛荆貢羽毛齒角惟金三品柁幹柏檣砥磬丹雘貢漆枲絲紵織纊錫磬梁貢璆鐵銀鏤砮磬熊羆狐狸織皮雍貢球琳琅玕今各州之物產果異於古歟是九州之載在禹貢者皆千古不易者也以今兩畿十三省合禹之九州即其郡邑疆界而分別之冀即北直隸山西雍即陝西豫即河南梁即四川荆即湖廣惟淮以北爲山東幾包青兗徐三州而遼東則古屬青州耳淮以南爲古揚州原包南直隸浙江江西以及廣東今以一州分一畿三省雖參錯不盡同大略不甚相遠也合古今觀之則凡在天之星土隨其州縣變易而星土未之變也凡在地之川嶽隨其州縣遷移而川嶽未之移也與夫歷代風俗阨塞兵賦藩封雖越數千百載一一如指諸掌矣但禹

都冀州王畿四面各五千里今京師即其地揚州自淮南以及江浙地本廣矣而又加以閩廣荆梁之廣本由湖之巨浸山之重複矣而又益之以雲貴此則不可槩以九州限之也

九州總論

禹別四海爲九州宜若有均一之制而校其道里廣狹全不相侔濟河兗州淮岱徐州相去不能千里荆河豫州千里而近海岱青州兗州千五百里而縮荆山衡陽荊州豫州二千里而遙東海西河冀州二千里而近壽春之淮潮陽之海揚州相去且五千里龍門之黃河燉煌之黑水雍州相去以四千里至華陽黑水窮數千里而未知所經是何廣狹之殊也或者九州之別品殊墳壤因土宜而別也故其道里無得而均然而荆河淮濟之間

徐兗豫三州之境也截長補短不能當淮海一州之半借使三州土壤既殊不可得而并揚州之大獨不得而釐耶古今名儒訓釋禹貢多矣未始及此蓋難言之也切嘗討之九州之別蓋倣井田之法方里而井井九百畝中爲公田八家皆私百畝同養公田而九州之制一州爲王圻八州建國以蕃王室是同養公田之義也故其區別境壤不因土宇之小大不限山川之間阻惟據民田多寡而均之耳然而四海之內夷險不齊如荆河淮濟之間百舍坦夷萬頃一瞬而又當中原要區民力修地利盡良疇既闢曠土實稀故徐兗豫三州境土最爲狹也至淮漢以南揚州淮南函劍以西雍州在函谷之西江湖盡濫關山重複又僻在遐陬闕疎稼政平土蓋寡闢田甚難故四川境土最

爲闊也嘗考西漢之時去古未遠方其極盛九有民戶總計千二百餘萬而徐兗豫三州當五百五十萬戶而荆揚雍梁四州僅當三百萬戶夫民非穀不生穀非民不殖推其戶口之多寡足以見田疇之廣闊據今驗古約略可知則九州之別惟民田是均斷可考矣嗚呼治有本要帝王一道其來久矣神農之教曰石城千仞湯池百步帶甲百萬而無粟不能守也故舜咨十二牧以食哉惟時洪範八政以食爲首周官九職以農爲先誠以國以民爲本民以食爲命而食非田不給非民不耕有田而後可以賦民有民而後可以立國故先王所重唯民與田其所以體國經野設官分職俟甸之制軍國之用皆取足於民田故官無閒冗則兵無聚散家無豐儉民無勞逸而國有致一之斂民有不二之業有田斯墾有穀斯積雖遇水旱兵凶而民無菜色故得禮節著而榮辱彰時雍之治由之而致也爰是秦開阡陌而廢井田罷侯置守以要害爲先而不復以民田爲制魏晉而下因仍不改坐水陸而建都會革山河而峙城郭民物所聚南畝實遙形勢之地良田更寡至於平土多疇衣食所資則反以爲敵夷不守之地而不知務大抵所重非所本所本非所重先王之制數口之家受田一頃後世邊隅小邑民戶不盈數百則地利安能有盡至名都大郡多至數十萬戶則又安能有數十萬頃之田乎民無常產則本於末業有天下國家者既不能爲之閑禁又從而因之以規利遂致不耕之民多於南畝有司者徒知日計之有餘而不知歲計之不足也古之一一年耕必有三年之畜謂人皆土墾也今未

耜之民僅能當天下十之三使歲皆有年則斯民僅能糊口設一穀不登所在不免告糴然後知先王之制所以爲社稷生民之計矣後王之治所以有愧前王者匪惟德教之有虧固亦法制之未良也嗟乎今之天下亦古之天下豈先王之治惟可行於古之天下而不復可行於後世耶抑亦復之者未得其漸耳舍先王經國之制未易遽服而先王愛民之心詎可弭忘哉後王之治信能一政之設一令之施惟民與田是崇是重則時雍之治豈云難致因考九州之制知先王以民田爲重故備論於此庶幾按九州之國則足以見先王之心無徒論其道里遠近山川夷險而已

九州區域

九州之區域在昔顓頊及於陶唐分而爲九其制最大雍州西距黑水東距西河豫州西南至荆山北距河冀州唐虞之都以餘州所至則是其境兗州舊爲濟河之間青州東北據海西距岱徐州東距海北至岱南及淮梁州東據華山之陽西距黑水揚州北據淮東南距海荊州北據山南及衡山之陽其雍州西境流沙之西荊州南境五嶺之南所置郡縣並非九州封域之內

天下各國形勝

中國之城左濱海右通流沙方而言之萬五千里堯別九州舜爲十二秦前有藍田之鎮後有胡苑之塞左崤函右隴蜀西通流沙險阻之國也蜀漢之土與秦同域南跨印笮北阻褒斜西卽隈礙隔以劍閣窮險極峻獨守之國也周在中樞西阻崤谷東望荆山

南面少室北有太嶽三河之分雷風所起四險之國也魏前枕黃河北依漳水瞻王屋望梁山有藍田之寶浮地之淵趙東臨九州西瞻恆嶽有沃瀑之流飛壺井陘之險至於潁陽涿鹿之野燕却背沙漠進臨易水西至君都東至於遼長蛇帶塞險陸相乘也齊南有長城巨防陽關之險北有河濟足以爲固越海而東通於九夷西界岱嶽配林之阪險固之國也魯前有淮水後有岱嶽蒙羽之向洙泗之流大野廣土曲阜泥丘宋北有泗水南迄睢渦有孟諸之澤碭山之塞也楚後背方城前及衡嶽左則彭蠡右則九疑有江漢之流實險阻之國也南越之國與楚爲鄰五嶺已前至於南海負海之邦交趾之土謂之南裔吳左洞庭右彭蠡後濱長江南至豫章水界險阻之國也東越通海處南北尾閭之間三江流入南海通東冶山高海深險絕之國也衛南跨於河北得洪水南過漢上右通魯澤左指黎山

統論九州田賦

九州之內有田重而賦輕如青州田上下賦中上徐州田上中賦中中梁州田下上賦下中雍州田上上賦上中或田輕而賦重如冀州田中中賦上上是也考之民之能出兵馬以供上之征伐者以其力之餘而已民力厚薄由乎田之肥瘦自古當然而禹貢所出之賦乃爾輕重不同何哉冀州土厚水深號爲沃野豫州天地之中商賈所集揚州東方之都會荊州南夏之名區故冀豫爲綺羅之鄉荊州爲魚鹽之海他物所出倍於田所以田輕而賦重也青徐海上

僻陋之邦土狹民瘠雍梁西鄙控扼之國地險患多田土之外雜出不厚此所以田重而賦輕也至於兗州無雍梁之邊患無青徐之鄙陋又無荆揚之魚鹽又無冀豫之綺羅居天下有無之中此所以田賦等也

九州之產

揚州其利金錫竹箭荊州其利丹銀齒革豫州其利漆絲泉青兗二州其利蒲魚雍州其利玉石幽州其利魚鹽冀州其利松柏并州其利布帛以禹貢揚州惟金三品瑤琨篠簜則金錫竹箭固揚州所產也荊州厥貢羽毛齒革惟金三品與夫礪砥磬丹則丹銀齒革固荊州所產也然則餘州皆以其地所產之多少者而言之也

輿地全覽

盛京古冀州地也陶唐曰幽都周曰幽州秦爲上谷漁陽漢曰廣陽曰燕國晉唐曰范陽宋曰燕山金元則建爲都會焉其地展山帶海有金湯之固天險地利實甲於關中汴洛江左不及也真定以北至於未平關口數十而居庸紫荆山海喜峰古北黃花鎮險扼尤著故薊州保定實爲重地焉廣平順德大名爲山東西要膺四方水陸畢會於臨清轉漕京師輻輳而進若天津又海運通衢也河間保定之間其人性應難馴又文安霸州武清而東野曠人稀迤山一帶則樵採耕牧之利居多奸人每竄其中有司病之蓋賦繁民困戶口流亡畿甸同風矣江南古揚州地江寧府則六朝舊都而明代創業之地也江限南北古

今恃爲天險江北則徐穎二州地跨中原瓜連數省又徐邳俗悍業鹽多鹽徒故淮安特建兵府稱雄鎮雖職同轉運亦示控扼之勢焉安慶當長江委流西控全楚爲江表門戶故亦設文武重職居守焉廬州民皆游惰地不盡利鳳陽習俗故與廬同而地瘠民貧易以告飢蘇州重賦肩天下之半而又當南北之衝供億勞困民不堪命特以百貨萃止俗尚奢華似乎富饒而室則如懸磬也兼以崇明常熟當江海之交爲海防之門戶昔爲內地今則邊陲矣松江賦重與蘇等海防甚於蘇故繁劇難治一也徽州多山少田民吝嗇健訟逐末利風俗用偷池州寧國或在山麓或濱江許軍民統理不一寇盜竄匿亦間有之揚衝而俗侈與蘇州相彷彿而饒富則過之常州衝而不要鎮江則最衝極要而爲江南之門戶者也山東古青州濟南齊臨淄地外引江淮內包遼海西面以臨中原而川陸水道畢會於德州自海運廢遂以其西境爲饋運通衢南盡邳徐北沂天津歲被河患築塞挑濬之勞舟車牽輓之役所在不免兗州水潦爲虐疾苦莫甚青濟依山多寇賊禁戢尤難至若臨清南北之咽喉也武定燕薊之門庭也曹濮魯衛之藩蔽也沂州徐淮之鎖鑰也登萊邊衛海東之保障也五要守而山東可安枕矣山西古冀州地省治太原卽古晉陽又稱并州背臨朔易表裏河山有俯挹中州之勢焉東接潞安居太行之麓西連汾州界汾水之旁南盡平陽以黃河爲襟帶北際大同爲絕塞之屏藩此蓋古今必爭之地也昔人謂其地險固其民堅忍其俗節儉其兵勁悍王者不得不王霸者不得

不霸猾賊得之足以致天下不安固土勢風俗使然哉陝西古雍州爲周王畿而西安其都會也山河四塞神皋奧區形勝甲於天下秦漢盛唐都焉然平涼固原一帶豐草平野畜牧蕃滋羣鳳之墟及延慶等路雖原野蕭條而士馬精勁終稱雄劇寧夏跨有賀蘭山黃河之險別爲一區甘涼以西處勢孤危而肅州尤孤洮岷西寧則地入西羌實與四川同患若漢中之襟喉巴蜀潼關之保障全陝並稱重地而險者在我矣河南古豫州地也彰德以控河北嵩洛以蔽山南南陽汝寧直走襄黃閩關中夏四方輻輳開封之都會卽周之東都也由開封以沂衛河可以漕山東沿汴泗可以漕淮故言形勝者次關陝焉歸睢陳州一帶地兼數省統轄非一奸人常藉以首難剿捕則潰逸四出禍延他境彰德道趙魏之間軍民左右屬盜雖斂跡而牽制之患與歸德同若考七郡之地山水環互民物茂實則汝寧爲優鑄山獵野依憑險固強弓利弩出乎其間則河洛爲著然土地未闢教令未馴非課農宣化加意拊循則寇盜劫奪之禍歲不免矣浙江古揚州地崇山巨浸所在限隔嘉湖與蘇松相表裏嚴衢以徽饒爲郭郭左信郡右閩關大海東蟠繞出淮揚之境而杭州其都會也杭山水秀麗人慧俗奢衣被可觀而薪米是急嘉興則海鹽之塘歲築歲傾勞費爲甚安吉長興以西本山越巢穴界在廣德上無兼轄之司訟訐繁興頗號難治且錯入笠澤之間剽掠之徒不時出沒不可不預爲之備也金衢嚴紹處負山引泉生業爲優溫台並海而南風帆之駛信宿汀漳佔客便之然不能不虞他寇蓋

海爲逋逃藪突至倏來狡黠叵測先事之防其在寧之定海乎江西古揚州地當吳楚閩粵之交險阻既分形勢自弱安危輕重常視四方南昌其省會也若保境和民則九江獨據上流牽制沿江州郡且密邇南康濱臨巨湖不可無備南贛之間則汀漳雄詔諸山谿會焉連州跨境林谷茂密盜賊之興斯爲淵藪故設重職以臨之袁州地逼長沙通民客戶喜獄好爭頗難譏察而建昌饒州民疲供億視瑞臨信撫諸郡有加矣吉安山水雄秀忠賢輩出甲於諸郡固靈秀所鍾也大都江西之民樸質儉苦猶有憂勤之思焉湖廣古荊州地南匯江湖北擁元陸武昌其省會也襄鄧抗其頭顧蕪黃引其肘腋江陵制其腰腹伸膝南向亦足以雄視諸州矣若鄖陽之走商陝榔桂之跨閩粵辰沅之捍蔽雲貴永州寶慶謹備苗夷大江中貫五溪外錯荆楚扼塞斯爲備焉然襟帶江湖所至民罹水患寇盜乘之穀土泥塗甚於禹貢而楚俗剽輕鮮思積聚土曠不耕四方流民失業者多赴之故其民率皆廛靡糴而難治四川古梁州地長川沃野有山林竹木穀粟蔬果織作染練之饒劍閣表雲棧之固瞿塘扼巴峽之流界以番族阻以蠻部山水襟束自相藩籬故奸雄割據則盜兵不敢西窺以地饒而險阨備也然奸宄內作縣車束馬勢不相及有難猝定者矣松潘介在番域而寄咽喉於隴州且於敘瀘有唇齒之重因俗撫綏顧不要哉若碉門之臂視諸番播州之富藏四海殆與蜀相爲盛衰者焉建昌六衛僻處西徼自爲奧區民夷安業非所憂矣福建古閩越地海抱東南山阻西北封壤蹙甚而重

關內阻溪山秀美民用以和弟福興漳泉爲溟渤要害而逼臨寇穴突犯不時則漳浦龍溪爲甚汀漳重山峻谷人跡罕到與南嶺聲勢聯絡故重職得交治之至簡僻莫如邵武鬱訟莫如漳州而興泉文物地利尤甲於八郡焉昔爲兵燹莫加之地今爲金戈鐵馬之場時使然耳廣東古百粵地五嶺之外號爲樂土由雄韶可以向荆吳由惠潮可以制閩越由高廉可以控交桂外藩雷瓊可以扼黎人而形勝寓焉廣州其省會也南雄萬山三水惠州提封廣袤悍客礦徒勢難收戢潮州沃野廣原昔稱阜裕然肇慶據上游當嶺西孔道瀧水地界梧藤盜淵藪在焉高州海澳衝衢關地除兵耕守並務可也廉州層山曲水爲海北要區雷州炎微多平地腴壤通夫亡命責在人牧瓊州孤懸海外尤爲五指腹心之地也廣西古百粵地雖壤接廣東而風氣特異山特起而峻水清而駛地利物產優贍自給桂林其省會也蒼梧地總百粵雄據南極爲水陸之衝府江左江右江貫絡諸郡綿地益遠而苗民附據每爲寇竊若與安西延六洞與武岡州陽朔接壤搖據之爲桂林北境患柳慶以西又多爲盜區洛容懷遠每罹其毒而賓州其襟喉矣雲南古梁州裔境也崇岡巖嶂激澗縈紆金碧米鹽之產號稱精贍而雲南臨安大理永昌鶴慶楚雄並皆沃壤然元安路納交趾金騰地擁諸甸瀾滄聯絡寧麗曲靖彈壓烏蠻王公設險於斯要矣其東境則曲靖之牂柯江達廣東西境則北勝之金沙江達四川其北境陸行關索嶺達貴陽大都滇南城郭人民夷居十八緩則蜂蟻屯聚急則豕突鴟張苟撫循

溫煥相與休息固可坐而理也第北向中州必假道貴陽稍值兵梗坐令隔絕則滇池之達馬湖武定之達建昌川陸具存豈無有起而開其榛塞者乎貴州古西南夷羅施鬼國地俗頗同滇南而山箐峭深水不停涵土無貨殖貧瘠已甚况省城會區咫尺荒裔若思南石阡銅仁數郡界在鎮筈西潘夷峒之間地雜東川烏蒙諸部獷悍難馴是不可不撫定者也總而論之天下大勢譬人一身京師元首也玉門遼陽上谷雲朔者肩背也河渠咽喉也伊洛湘漢江淮之間腹心也齊魯秦晉左右手也閩蜀腋也交廣滇粵足也肩背欲厚咽喉欲通腹心欲實左右手腋欲強足無蹶蹙相承而奉元首以聽命於心而營衛灌注焉然後形勢充暢而外邪不好也自古帝王垂拱而天下宴如者凡以能制重輕之勢哉

輿地要區

天下大勢統論之曰南北析言之則曰江淮曰荆襄曰川陝曰青齊曰淮蔡曰河朔曰河西則咸爲要害之區焉今以南北衡之西北之風渾其失也悍東南之俗偷其得也和故自古以來西北以強勝而多失之亂東南以治隆而多失之弱此則風俗之各有得失也西北之人直其失也狠東南之人詐其得也易故自古以來西北之政多以嚴致平江南之政多以寬爲治此則人民之各有得失也西北之地沃便種植而宜蠶桑東南之地瘠多田疇而利耕布故自古以來西北之人裕於財而患於饑東南之人苦於貧而足於食善治西北則足以富國善治東南則足以餘糧此食貨之各有得失也然以項王殘鷺石季驍

雄皆所至無敵而斯民重困故項與東南石奮西北其亡一也蕭衍苻堅皆一時令主乘時奮功然有雄志而無雄才一則強霸於南夏一則制勝於北朝其敗一也第西北之兵沉勁其失也抵肆東南之兵囂亂其得也剽銳故西北之兵便於持久東南之兵利於速戰嘗考曹公用兵常以堅守挫強敵及征孫權驟來亟戰遂大敗於赤壁此則西北之兵便於持久而不利乎速戰也項王持孤軍轉戰無前及遇漢祖堅守相持卒敗於垓下此則東南之兵利於亟戰而不便於持久也深淵高田戰不獲聘而諸葛恪之師敗矣江淮之士出入如飛而李密之衆墮矣周亞夫堅壁以挫吳楚謝幼度亟戰而敗苻堅則以各能用其便利故耳所以荆楚削弱王翦渡江高濟荒蕩周師入鄴是善用關西者皆能以併南北也赫連崛魏武克朔方孫皓淫虐王濬入金陵是善用河北者皆能以併西北也章邯輕敵項王渡江姚泓玩寇宋武入關是善用江南者皆能以併西北也故魏起河北周本關西宋興江南皆能奮身孤微赫然成霸業此則南北之地利皆可以興矣商受暴虐黃河無固胡亥愚蒙秦關洞開叔寶荒淫長江失險此則南北之地利皆不足恃矣雖然江淮之險天地所以限南北也而長淮之地又天地所以蔽長江也如立國於南則守江以爲家戶備淮以爲藩籬是故輕重之權不在江而在淮知有江而不知有淮是未知有重險者也嘗觀三國六朝之間爭戰攻守嘗從事於此矣惜其未知所以用之也吳氏自孫策駐足江東而於淮之地則又有廬江之守故魏氏雖竊取中原而不

能以得吳世率以爲守淮之利足以蔽長江也而不知用淮之利以圖進取此吳氏之失也劉宋自劉裕立國於建鄴而於淮之地則有盱眙之蔽故元魏雖有虎視之意而終不能以窺宋世率以爲守淮之利足以蔽長江也而不知用淮之利以爭中原此劉宋之失也蕭梁自武帝立國於江左雖與元魏交爭於兩淮之間互有勝負而鍾離之守元英退縮斂衽而不敢爭世之議者又以爲淮右之勢試足以禦敵人之衝也而不知用淮以爲恢拓之計則其所失殆與孫吳劉宋等耳考之孫權鍾繇策之遺緒無爭衝攻取之才而魯肅帷幄之謀亦止於保守江東之計故廬江之地呂蒙雖守之而合肥之後一爲張遼所敗遂終身不敢以窺魏此長淮之地在吳而吳不能用也宋文帝紹劉裕之遺業雖有爭戰之意而無規恢之大志觀王元謨之徒率師進取以經略中原而止欲圖河洛之地劉典祖逖取河北之策則置而不論故臧質盱眙之守僅免敗缺而元嘉之政從是不振卒不能挫元魏虎狼之勢此長淮之地雖在劉宋而劉宋不能用也蕭梁自武帝創有基業初年英武似亦可嘉然自其既有天下之後志氣凋落無復囊括宇宙之志雖席鍾離天際之勢而略不能用險以挫元魏之鋒元澄之圍鍾離雖以失利而自退元英之圍鍾離雖以韋叡之救而自解不過僅僅自守耳此長淮之地在梁而梁不能用也是故自襄陽而抵樊城自丹陽而抵廣陵自廣陵而抵淮陰自淮陰而抵盱眙此全淮之右臂也自采石而抵歷陽自歷陽而抵鍾離自鍾離而抵蕪春此全淮之左臂也自武昌

齊安而達信陽自江陵而至襄陽此漢沔之關梁也故淮陰盱眙之城固則自淮而東可以無患鍾離之城固則自淮以西可以獲全至於信陽樊城之壘全則漢沔以南無敵虞矣雖然豈特自固而已哉王羲之與殷浩書曰保淮之志非復所及莫若還守長江義之勸浩因長江以固大業此言是也至謂捨淮而守江豈不謬哉若其自京口而至秣陵控帶荆揚引輔江湖咫尺淮甸應接梁宋人皆知其爲長江之險也自武昌而至於江陵東通吳會西運巴蜀南極湖襄北控關洛人皆知其爲荆湖之險也自涪陵而極於成都土地險塞沃野千里控渝扼瀘聯接關隴人皆知其爲巴蜀之險也然知有長江之勢而不知所以爲守淮之計則非知江之險者也徒知有荆湖之勢而不知所以爲襄漢之計則非知荆湖之險者也徒知有巴蜀之勢而不知所以爲漢中之備則非知巴蜀之險者也蓋長淮所以爲江浙之藩籬襄漢所以爲荆湖之唇齒漢中又所以爲巴蜀之門戶陳宣帝失淮甸之地而致隋人之禍南唐罷把淺之師而啓周師之釁蓋棄淮而守江則江左亦難以自立矣吳人不得襄陽杜預得以成江陵之捷苻秦會師沔北而朱序必嚴城中之守蓋棄襄陽而守荆湖必不能以自固矣曹操既破漢中故蜀人皆無自固之志姜維退保漢樂二城故鍾會如履無人之墟蓋棄漢中而守漢樂則巴蜀必不能自存矣惟守江以爲家戶備淮以爲藩籬則長江之險可得而保也以荆湖爲重鎮以襄陽爲唇齒則荆河之險可得而固也以巴蜀爲要害以漢中爲門戶則巴蜀之險可得而有

也晉人能守合肥壽陽以爲重地故劉石終不能踰淮以圖晉陶侃使元宣以鎮襄陽故趙人不能越漢沔以取荆蜀以魏延鎮漢中故魏人不能踰南鄭以謀蜀合歷代之得失而並觀之則荆襄江淮蜀漢之相爲用其效可觀矣昔祖逖自淮陰進兵以復河南到彥之自淮入泗以平司兗則在淮之形勢爲可用也元溫自江陵以趨霸上柳元景自襄陽以克潼關則在荆襄之形勢爲可用也漢高祖自南鄭以克三秦諸葛孔明自漢中以鎮關隴則漢中之形勢爲可用也又嘗聞吳紀涉之言曰疆界雖遠而險要必爭之地不過三四所以荆湖之地爲州者十而其鎮則江陵武昌是也京西道爲州者八而其鎮則襄陽是也江西道爲州者十而其鎮則九江是也何以明之江水源於岷山下夔峽而抵荆楚則江陵爲之都會沅嶓冢導漾東流爲漢漢沔之上則襄陽爲之都會沅湖衆水合洞庭之波而輪之於江則武昌爲之都會豫章江西與鄱陽之浸浩瀚吞納而匯於湓口則九江爲之都會故守江陵則可以開蜀道守襄陽則可以控川陝守武昌九江則可以蔽全吳夫江南所恃以固者長江也而四川之地據長江上游而下臨吳楚其勢足以奪長江之險河北所恃以爲固者黃河也而陝西之地據黃河上游而下臨趙代其勢足以奪黃河之險是川陝二州常制南北之命而况江南之地以淮漢爲襟喉以荆襄爲肘腋而巴蜀之地乃控勒湘漢鴻溝千里無再舍不接畛設令北人兼有巴蜀則南國以湘漢之郊爲戰守之地而耕桑之民止於江浙之間萬有偏師不陣一城告奔則冀馬秦